



حركة التحرير الوطني الفلسطيني - فتح  
إقليم استراليا



## تمرة رمضان

العدد رقم ٢٤

### الشيش برك

مكونات هذا الطبق : ( العجينة  
:طحين أبيض + ماء دافئ + ملح  
طعام +فانيلا + حليب بودرة +سكر  
أبيض خشن ) (الحشوة : لحم +  
لوز محمص + لبن أو جميد + نشا  
+ بهارات)



### أنهار اللبن

ذكر هذا النوع من الأنهار في الآية رقم ١٥ من  
سورة محمد بقوله تعالى بسم الله الرحمن  
الرحيم: (وأنهار من لبن لم يتغير طعمه) صدق  
الله العظيم. وتفسر الآية أن هذا النوع بخلاف  
لبن الدنيا لخروجه من الضروع . أي لم  
يحمض بطول المقام كما تتغير ألبان الدنيا إلى  
الحموضة.

### عصير كريب فروت

مكونات هذا العصير : ثمار فاكهة الجريب فروت + ماء  
+ سكر +ثلج.  
وهناك أنواع قريبة منها تسمى البوملي أو ليمون الزهر





حركة التحرير الوطني الفلسطيني - فتح  
إقليم استراليا



حكاوي ستي

### ضيافة حالها

رايحة معها يا حليلة وإلا رح تضلي عندي يا ستي؟ أه يا تيتا بدنا نروح نزور ناس كتار إمي عليها مشاوير  
وبتقول لي إنه لازم أطلع معها بدنا نروح على السوق نشترى هدايا وإغراض ونطلع على ناس كانوا إمراض  
وناس إجاهم خلفه جديدة وناس رجعلهم مسافرين وناس عندهم عزا قايم وناس عندهم عرس عايم وهيد  
شغلات ما رح نرجع لحد وذان المغرب إذا صار الوقت زي ما إمي بدها بس لا تهكلي هم يا تيتا أنا جهزتلك  
أكلاتك ودواكي رح يبجي أخوي يعطيك إياه ورح نشتاك لك يا تيتا وإذا على بالك أجيب لك غرض من السوق  
أحكي لي ظابة شوية مصاري بشتري لك. تعالي لهون يا ستي بدي أحكي معك دقيقتين بعدينش بتتيسري  
طريقك خضرة وتديلك الحضرة كلها وإللي بتشتهيه اشتريه وإللي عبالك تدوقيني منه عيني لي منه، بتذكرى  
زمان لما علمتك لعبة بيت بيوت وقلت لك أنه البنث لما بتروح تزور إيش لازم تعمل وإيش ما لازم تعمل ليش  
صفنتي! إنسييتي يعدمني مخك زي المزراب ما بحوش إلا الغبرة، إسمعي يا ستي بذك تعرفي إنه الناس كلها  
بتتفرج على كل شي بتعمله يعني بتمشي أهدى من إمك وأسرع من الغندرة وبتوكلي أكل من إمك وأكثر من  
الشبعان وبتحكي بنص لسان وبتعطي إمك النص الثاني وما بتقومي من جنب إمك إلا للضروري الضروري لا  
تروحي على غرفة ثانية ولا توقفي مع بنت بمطبخ إنتي ضيفة حالك عند الغريبة ما بصير توخذي وتكثري  
كأنك أهلية بمحلية إنتي طالعة زيارة رسمي وبتحكي باسم أهلك واسمي وكل شي محسوب عليك حتى  
ضحكاتك وقوالك عشرين ما تزعلي هذه زيارة واجب لا أنا بحبها ولا إمك ولا إنتي رح تحبها بس هاي العوايد  
والله يديمها لازم نزور العالم ونستقبلهم ببيوتنا بس مش حلو الوحدة توخذ راحتها مع الغريبة لأنهم كل وين  
لوين تا يشوفوكي وعشرين هيد بتحسسوا وعلى غلطة زغيرة بحاسبوكي، فهلقيت لا تفرحي بس لما ترجعي  
وإمك تقول إنك كنتي ضيفة حالك زغرتي وارقصي.



المعلمة تسأل التلاميذ  
ما هو حلمكم؟

أحمد : أن أكون طيار

رشيد : أن أصبح مهندس

حنان : أن أصبح أم

أن أساعد حنان  
لكي تصبح أم

NokatModhika.com





حركة التحرير الوطني الفلسطيني - فتح  
إقليم استراليا



خرافية

### شو دينك

مرة من المرات في كنيسة من كنايس الناصرة كان في شب ازغير بتعلم من الخوري وكان برضه يشتغل بالكنيسة خادم برتب وبنظم ويعمل الشغلات إللي بقوله عليها الخوري وهاظا الخوري كان أهم شي عنده النظافة وكان بده كل شي يوجّ وّجّ وعشرين هيذ بعث الشب يتعلم تلميع النحاس بسوق النحاسين وعلمه مواعيد دق الجرس تاع الكنيسة وإيش يقول قبل وبعد ما يدق الجرس وفوق كل هاظا إنه لازم يمسح الدرج ويلمع البرندا ولازم أكيد الجرس يكون زينة مزينة الكنيسة لأنه منظر الجرس هو أكثر شي بدل على إنه الخوارنة دايرين بالهم على نظافة الكنيسة.

مرات كان ييجي حمام وعصافير على البرندا إللي فيها الجرس بس كان الشب قوام قوام يكشتمهم ويمسح الأرض وراهم ومرات يشفق عليهم يحطّ إلهن خبز بمية ولما يشبعن يقوم يكشتمهم وينظف وراهم، بس في مرة أجاه عقاب يعني طير جراح أكبر من النسر وما قدر يطلع على الدرج صار يهشّ عليه بس العقاب ما سأل فيه وضله واقف صار يرمي عليه إغراض برضه ضله العقاب واقف وما تحرك وصار الخوري ينادي على الشب إنه لازم يضرب الجرس، قام فكر شوي وراح جاب عصاي بحبل وصار يضرب بالجرس من بعيد لبعيد، وثاني إتهار ما لاقى العقاب إلا صاروا عقابين وبانيين عش إلهم، صار يعاقب فيهم بس هم ولا كأنه موجود وعارفين إنه هو خايف يقرب تلاهم، فكر شوي وراح جاب سلم وربط حديدة بكرة شنكلها على سقف البرندا وصار يظرب فيها الجرس وهو واقف على الدرج وهيذ حل نص مشكلته أنه الجرس ضله ينضرب بوقتة بس بعد كم يوم صارت الغبرة فوق الجرس وريحة البرندا بتقتل من روث العقاب آه روثهم ريحته بدوخ إللي عمره ما داخ، وفوق كل هاظا الخوري قال للشب أنه في مطارنة جايين من القدس وبدهم يتفقدوا الكنيسة ونظافتها وإنه لازم كل شي يكون على سنجة عشرة يعني ممنوع غلطة زغيرة وإذا زعلوا المطارنة بتهج الرعية وبتروح على كنيسة ثانية.

قام الشب قال للخوري إسمع يا أبونا أنت علمتني إنه القتل حرام خص نص جوات الكنيسة هاظا الحكي على كل شي وإلا بقدر أقتل كام قال له الخوري حرام عليك هاي مكان صلاة الرب كيف بدك تعمل شغلة زي هيذ أكيد ممنوع إلا إذا كان كافر بدو إياك تكفر بربك. فكر الشب كثير بعيدين راح اشترى دوا منوم قال بخلي الأم تنام لو ابنها بصيح حدها وكمان اشترى لحم بغير وفتينة نبيذ وبعدينش طبخ شوربة بلحمة وحطّ فيها كم نقطة من الدوا منوم وصبها بكيلة حديد وجاب كيلة نحاس وصبّ فيها نبيذ وحطّ فيها كم نقطة من الدوا المنوم وحمل الكيلتين وطلع على الدرج وقرب قد ما يقدر على حفة البرندا إللي بطلّ على ساحة الكنيسة وحطّ الكيلتين وصار يدعي ربه أنه العقبان يشربن منهن، قام العقاب الأول وشرب شوية من مرقة البعير وشوية من مرقة النبيذ ونادى على العقاب الثاني وطار بالسما، قام العقاب الثاني شرب من كيلة النبيذ وبعدينش شرب من كيلة مرقة البعير وضله يشرب لحد ما صار مثل السكران لا هو قادر يطير ولا قادر يقف إجا لعقاب إللي طار وصار بده يشرب من كيلة نبيذ قام ديبها وقعت بالساحة راح يشرب من كيلة مرقة البعير كام ديبها هي كمان وشوي وإلا قلبه لعقابين من البرندا ونزل الشب إركاظ وراهم وحطهم بقفص وقال قيل ما أدشركن بالخلا بدي أعرف إيش دينكم يعني لو مسيحية ما بتناموا تحت جرس الكنيسة ولو إسلام ما بتشربوا نبيذ ولو يهود ما بتاكلوا لحم بغير.






صدر حديثا

### كتاب أساطير اليهود وأرض فلسطين في القرآن الكريم.

المؤلف: الكاتب بكر أبو بكر.

ناقش الكتاب قضايا مركزية في الوعي الجمعي العربي بخصوص مفهوم الإسرائيلي، والفرق بينه وبين العبراني واليهودي، وعلاقة هؤلاء بأرض فلسطين.

صدر عن دار الأمين. يقع الكتاب في ١٢٦ صفحة



### فراشات فلسطين

الاسم العلمي

**Tomares Nesimachus**

توماريس نيسيماكس

